

**Broj:** 02-13242/21

**Datum:** 17.11.2021. godine

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH" broj 35/04) te člana 64. stav (1) tačka b), člana 70. stav (1), (2), (3) i (6) i člana 89. Zakona o javnim nabavkama ("Službeni glasnik BiH", broj 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj 103/14) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", broj 89/16 i 84/18), u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16), a na Preporuku Komisije za nabavku iz Zapisnika o ocjeni ponuda za "Nabavka rezervnih dijelova za UPS uređaje" broj: T-NOSBIH-K-08/21, generalni direktor donosi:

## ODLUKU O IZBORU NAJPOVOLJNIJEG PONUĐAČA

### Član 1.

Prihvata se Preporuka Komisije za nabavke iz Zapisnika o ocjeni ponuda za "Nabavka rezervnih dijelova za UPS uređaje" broj: T-NOSBIH-K-08/21 te se ugovor dodjeljuje u postupku konkurentskog zahtjeva za "Nabavka rezervnih dijelova za UPS uređaje" broj: T-NOSBIH-O-08/21 ponuđaču EDING TELECOM d.o.o. Sarajevo, kao najpovoljnijem ponuđaču u ukupnoj cijeni bez uključenog PDV-a od 27.340,40 KM.

### Član 2.

Na portalu javnih nabavki objavljeno je Obavještenje o nabavci broj 1253-7-1-37-3-40/21 od 20.10.2021. godine za nabavku iz člana 1. ove Odluke.

### Član 3.

U postupku konkurentskog zahtjeva za nabavku iz člana 1. ove Odluke zaprimljene su 2 (dvije) ponude, koje su dostavljene blagovremeno i to:

Ponuda br. 1. EDING TELECOM d.o.o. Sarajevo

Ponuda br. 2. REAP d.o.o. Istočno Sarajevo

### Član 4.

Ova Odluka stupa na snagu danom donošenja.

## Obrazloženje

Na portalu javnih nabavki objavljeno je Obavještenje o nabavci broj 1253-7-1-37-3-40/21 od 20.10.2021. godine iz člana 1. ove Odluke

U postupku konkurentskog zahtjeva za nabavku iz člana 1. ove Odluke zaprimljene su 2 (dvije) ponude, koje su dostavljene blagovremeno i to:

Ponuda br. 1. EDING TELECOM d.o.o. Sarajevo

Ponuda br. 2. REAP d.o.o. Istočno Sarajevo

Oba ponuđača su zadovoljila kvalifikacijske uslove iz tačaka 11., 12.1 i 12.2 tenderske dokumentacije.

Prema tenderskoj dokumentaciji ponuda mora sadržavati: Obrazac za dostavljanje ponude (Prilog II), Obrazac za cijenu ponude (Prilog III), Izjavu o ispunjenosti uslova iz člana 45. Zakona (Prilog IV), Pismenu izjavu ponuđača iz člana 52. Zakona (Prilog V) te Nacrt Ugovora (Prilog VI).

Obje ponude sadrže priloge od II do VI. Međutim, u okviru Obrasca za cijenu ponude (Priloga III) u tački 6. je traženo sljedeće:

"6. UPS uređaji proizvođača VERTIV za koji se nabavljaju rezervni dijelovi su u garanciji pa je Ponuđač dužan dostaviti original ili ovjerenu kopiju izjave proizvođača postojećih UPS uređaja VERTIV ili ovlaštenog distributera postojećih UPS uređaja da su ponuđeni rezervni dijelovi originalni. U slučaju da ponuđač dostavlja izjavu ovlaštenog distributera, potrebno je uz izjavu dostaviti i ovlaštenje distributera od strane proizvođača postojećih UPS uređaja VERTIV (original ili ovjerena kopija)."

Ponuđač EDING TELECOM d.o.o. Sarajevo je dostavio ovjerenu kopiju izjave proizvođača postojećih UPS uređaja VERTIV CROATIA d.o.o. da su ponuđeni rezervni dijelovi originalni te je zadovoljio zahtjev pod tačkom 6. u okviru Obrasca za cijenu ponude (Prilog III).

Ponuđač REAP d.o.o. Istočno Sarajevo nije dostavio traženi/e dokaz/e da su ponuđeni rezervni dijelovi originalni te nije zadovoljio zahtjev pod tačkom 6. u okviru Obrasca za cijenu ponude (Prilog III).

Imajući u vidu gore navedeno, ponuda ponuđača REAP d.o.o. Istočno Sarajevo je odbačena jer nije potpuna i ne ispunjava zahtjeve iz tenderske dokumentacije.

Ponuđaču EDING TELECOM d.o.o. Sarajevo je dopušteno da nastavi postupak u skladu sa članom 44. stav (6) Zakona jer njegove kvalifikacije zadovoljavaju uslove utvrđene u tenderskoj dokumentaciji.

Ponuda ponuđača EDING TELECOM d.o.o. Sarajevo je zadovoljila zahtjeve iz Tehničke specifikacije odnosno ponuđeni su svi rezervni dijelovi navedeni u Tehničkoj specifikaciji predmetne nabavke.

Pošto je samo jedna ponuda prihvatljiva ponuda tj. zadovoljila uslove iz tenderske dokumentacije u skladu sa članom 3. stav (3) Pravilnika o uslovima i načinu korištenja e-aukcije, nije se mogla zakazati e-aukcija nego se postupak okončava u skladu sa članom 69. Zakona.

Uzimajući u obzir zadovoljavanje svih uslova iz tenderske dokumentacije, zaključeno je da je ponuda EDING TELECOM d.o.o. Sarajevo od 27.340,40 KM (bez PDV-a) za predmetnu nabavku, jedina prihvatljiva ponuda te je automatski ponuda sa najnižom cijenom, što je kriterij za dodjelu ugovora te je ponuđač EDING TELECOM d.o.o. Sarajevo odabran kao najpovoljniji ponuđač kojem se dodjeljuje Ugovor za nabavku iz člana 1. ove Odluke.

**POUKA O PRAVNOM LIJEKU:** Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 5 dana po prijemu Odluke.

Generalni direktor  
dr. Milodrag Košarac



Dostaviti:

- ponuđaču EDING TELECOM d.o.o. Sarajevo
- ponuđaču REAP d.o.o. Istočno Sarajevo
- Služba ekonomskih i finansijskih poslova
- Služba za pravne poslove i radne odnose
- a/a